



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ-3/36

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«24» 01 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Ն. Պողոսյանի կողմից 03.12.2021 թվականին հայտնաբերվել է իրավախախտության ծագման պահին գործող խմբագրությամբ Վարչական իրավախախտումների վերաբերյալ օրենսգրքի (հետայսու՝ Օրենսգրք) 169.16-րդ հոդվածի 7-րդ մասով նախատեսված վարչական իրավախախտում, մասնավորապես՝ անհատ ձեռնարկատեր Կարեն Առնոլդի Դավթյանի կողմից Երևան քաղաքի Մ. Խորենացի փողոցի հ. 33 հ. 183 սեղան հասցեում, առանց համապատասխան թույլտվության իրականացվել է թանկարժեք մետաղներից պատրաստված իրերի մանրածախ վաճառք, որի վերաբերյալ 17.12.2021 թվականին կազմվել է թիվ 040688 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 24.01.2023 թվականին գործի քննությանը ներկայացավ անհատ ձեռնարկատեր Կարեն Առնոլդի Դավթյանը: Վերջինս վարչական մարմնին բացատրություն տվեց այն մասին, որ վճարել է թանկարժեք մետաղների վաճառքի համար նախատեսված վճարը, սակայն թույլտվություն փաստացի չի ստացել: Աշխատել է առանց թույլտվության՝ վստահ լինելով, որ վճարել է և կարող է աշխատել: Իր նկատմամբ առաջին անգամ է քննվում վարչական պատասխանատվության ենթարկելու հարց:

Անհատ ձեռնարկատեր Կարեն Առնոլդի Դավթյանի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, անհատ ձեռնարկատիրոջ պետական գրանցման վերաբերյալ տեղեկատվությունը, Երևանի քաղաքապետարանի աշխատակազմի առևտրի և ծառայությունների վարչության պետի 25.11.2021 թվականի հ. 15/29251 ծանուցումը, Գենտրոն վարչական շրջանի ղեկավարի 27.12.2021 թվականի հ. 23/07-7566, 15.03.2022 թվականի հ. 23/07-702 ծանուցումները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 03.12.2021 թվականին անհատ ձեռնարկատեր Կարեն Առնոլդի Դավթյանի կողմից առանց համապատասխան թույլտվության իրականացվել է թանկարժեք մետաղներից պատրաստված իրերի մանրածախ վաճառք, որի վերաբերյալ 17.12.2021 թվականին կազմվել է թիվ 040688 վարչական իրավախախտման վերաբերյալ արձանագրությունը:

33 հ. 183 սեղան հասցեում, առանց համապատասխան թույլտվության իրականացվել է թանկարժեք մետաղներից պատրաստված իրերի մանրածախ վաճառք:

Անհատ ձեռնարկատեր Կարեն Առնոլդի Դավթյանի կողմից թույլ է տրվել Օրենսգրքի 169.16-րդ հոդվածի 7-րդ մասով նախատեսված վարչական իրավախախտում:

Հաշվի առնելով անհատ ձեռնարկատեր Կարեն Առնոլդի Դավթյանի կողմից տրված բացատրությունները և այն, որ անհատ ձեռնարկատեր Կարեն Առնոլդի Դավթյանի կողմից առաջին անգամ է թույլ տրվել 169.16-րդ հոդվածի 7-րդ մասով նախատեսված իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել ու տուժողներ չկան, ուստի առկա է վարչական իրավախախտման համար պատասխանատվությունը մեղմացնող հանգամանք:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, առօրյա ստանդարտի սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Համաձայն «Տեղական ինքնակառավարման մասին» Հայաստանի Հանրապետության օրենքի 45-րդ հոդվածի 1-ին մասի 7-րդ կետի՝ համայնքի ղեկավարն առևտրի և ծառայությունների բնագավառում համայնքի տարածքում տալիս է թանկարժեք մետաղներից պատրաստված իրերի որոշակի վայրում մանրածախ առք ու վաճառքի թույլտվություն:

Իրավահարաբերության ծագման պահին գործող խմբագրությամբ օրենսգրքի 169.16-րդ հոդվածի 7-րդ մասի համաձայն՝ առանց թույլտվության թանկարժեք մետաղներից պատրաստված իրերի վաճառք՝ առաջացնում են տուգանքի նշանակում՝ սահմանված նվազագույն աշխատավարձի հարյուրապատիկից մինչև հարյուրհիսնապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 169.16-րդ հոդվածի 7-րդ մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ս, 25.07.2022 թվականի հ. 2703-Ս որոշումներով՝

ՈՐՈՇԵՑԻ

1. Կարեն Առնոլդի Դավթյանին Օրենսգրքի 169.16-րդ հոդվածի 7-րդ մասով ենթարկել վարչական պատասխանատվության՝ նշանակելով վարչական տույժ 100.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՎԱՐՉԱԿԱՆ ԻՐԱՎԱԽԱՆՏՈՒՄՆԵՐԻ
ՎԵՐԱԲԵՐՑԱԼ ԳՈՐԾԵՐԻ ՔՆՆՈՒԹՅԱՆ
ԲԱԺՆԻ ՊԵՏ՝



ԶԱՎԵՆ ՍՄԲՍՅԱՆ